

壹

齋

集

壹齋集卷三十三

當塗 黃 鍼 左田

古今體詩四十八首

盡庚寅
一年

庚寅元日再次前韻

守歲雞聲方踴旦賀年人語已喧鄰卽看花竹生和氣何用虛無養谷神細雨易滋苔葉綠東風難染鬢毛春漫將早起誇身健廿載趨朝入每寅

迎春日三次前韻

春入新年正涉旬土牛行處動鄉鄰休憑繪壞能占歲須識句芒別有神土牛芒神蓋本後漢志立春日施土牛耕人於門外經裝樹香霏三徑雪膏田霑企一犁春連宵寒月清如水仰看招搖恰指寅

飲湖上感鄰園池館淪謝作歌

風楊舉舉矜少年弄黃弱縷搖春煙老梅著花只孤賞苔皴蟲
蝕羞人憐物情榮悴豈自覺人意半爲繁華牽吾衰愛入少年
伴縱步不讓他先湖山笑我老耽酒惜我意氣非從前荒園
芳草剩陳迹孟公在昔曾開筵百觴不醉春風顛花枝雪壓微
吟肩水面月出波淪漣宵寒欲抱梅花眼梅枯亭圮酒徒逝倏
忽閱人已成世留連光景向誰言獨立蒼茫語空際絲管嘔啞
動四鄰老夫白髮又逢春華燈明月參差是不見當時舊酒人
許耕餘仁以漢上雲臺覓遺附快舟不五日至蕪湖色
味如新是乾隆甲辰在武昌度歲圖人歲朝圖者載賦

二絕寄耕餘

粲粲黃花簇紫莖如逢舊識眼俱明供余一飭殘年飯累爾風

江千里行

煩君致子附家書手闢荒畦待雨鋤好與元修遙屬對也教人
喚佗耕餘

雜詩九首

和風囀新鶯初日上高柳牆頭辛夷花光豔射窗牖海棠獨嫣然媚我垂白叟虛堂貯圖書斗室接賓友卽事多所欣何必命尊酒披衣行中園景物皆我有

百年幾何時矧已開九秩但媿德不修何圖老能佚神明幸未衰且復親紙筆春秋風日佳花竹參差密率性養天和坐俟此生畢慨彼戚戚人一日復一日

谿壑難還填富貴不厭欲服食更求仙松喬意未足巢林僅一枝飲河期滿腹東坡亦有言老盡非我獨爲善務及時知足庶

不辱炳燭念古人開卷時還讀

昨日何暄妍今晨倏淒冷
穆瓦微霰零撼樹飄風猛維時春已
分穡事耕宜省三冬雪澤稀甘雨望引領願爲布陽和
一夕霑萬頃衰頽世無需飽食息孤影

獨學而無友忠告常不聞十室有忠信出門伊誰親舉世習爲
儒誦讀多苦辛借問讀何爲荅云榮其身此身責且備佩服周
孔倫何幸詩與書爲爾富貴門

子孫豈不念饑寒亦當恤安危擇所遺賢愚審其質康成戒益
恩寡恨願已畢淵明責阿宣亦僅愛文術疏傳雖多金益禍殊
不必試觀善射人鵠正自無失

荒園列初榮雷雨滋其時春寒似太甚發生恐非宜良辰近上
已爐火猶未離歸雁飛不高悲鳴去何遲杜門澹無營有酒姑

酌之揮杯不成醉彥會安可期

一雨倏七日田疇既霑足惟祈解衣耕天晴叱黃犢思望奢疑慮滿胸苦傳聞孟陬初全龍見江曲遂恐厄水年田禾秋不熟耒耜且未勤豐歉胡預卜

老人不自量抱書輒終歲舍之又復親坐是目爲醫小邑務奢淫子弟多翫惕嘗恐佞性乖流爲風俗弊戒得豈殉財辭榮非玩世不敢語他人休惕用自勵

題文徵明畫王右軍像

退保長淮尙可圖清談廢務竟何如謝安終負蒼生望殷浩深慚北伐青江左百年無此論蘭亭一序乃其餘忠忱卻爲文皇掩事美臨池史筆疏

嘉慶丁卯武昌典試事竣戚

子模寫柳枝隻燕見贈今

戚歿十餘年矣感賦一絕書其上

漢上征詔記再停武昌官柳尙青青而今剩有呢喃燕獨語梢頭孰與聽

宋牟子才太白脫韁山谷返棹二圖石刻在太平府學尊經閣下據宋史本傳牟作郡時寫力士脫韁之狀爲之贊而刻諸石屬有拓本遺宋臣宋臣怒泣憇於帝已降南官志謂子才七世孫元太平路經歷景陽刻今返棹圖有元至元戊寅湖州路歸安縣尹子才孫應復跋云先祖存齋先生忤閹官董宋臣以集英殿修撰出守姑孰作返棹脫韁二圖以寓意宋臣益怒乃罷郡去又云今八十三年矣不肖孫承行省命監海漕敬奠祠下摩挲石刻瞻拜而去按元至元戊寅爲順宗六年上溯

八十三年爲朱理宗寶祐四年與史正合脫難圖僅有
明成化施奇本朝康熙寇明允二跋並未言及重刻
者爲誰其爲原刻無疑不知志何所據爲子才七世孫
景陽刻嘉慶壬申余在京師從此圖詩亦據志注爲景
陽刻承謬襲謬未暇深攷頃友人揚贈二紙始知其謬
婉報無已爰記以詩並及向所聞赭山墖荆山寒壁摩
崖之誤以志吾荒陋焉

地志荒唐不足論當時我亦昧朝昏到頭八十三年耳那得牢
家七代孫

赭山墖誤赤烏年寒壁摩崖駱氏鐫一例麤疏憑耳食悔從古

老謬流傳

赭山墖向傳爲赤烏二年造蓋因坡隄廟誤也近日本傳修墖得頂上石刻始知爲北宋初建荆山摩崖寒壁

二字乃明侍御駱公刻見曾表游記向亦誤爲歐陽桂齋蓋又因歐湖誤也故老傳聞不足憑信如此

何溉生

杭

浙人流寓蕪湖愛潔不娶精音律善畫乾隆

乙卯冬余將入都溉生餓於馬千之一角山房且索余
畫志別爲吹洞簫以侑之自是不見者十數年病且死
屬友人致聲曰爲我題布衣何穾之墓余哀其志書以
付之畫今流傳於顧可亭處請余鑒定題四十字於左

方

思遠終身潔劉歆到老鰥丹青心所寄絲竹妙能嫋遺屬俾題
碣交情剝畫山如聞洞簫咽那禁涕痕潛

五君詠

有序

青山舊有三賢樓祀謝元暉李白郭功甫太白在宋
已有祠陸放翁入蜀記所謂太白烏巾白衣錦袍又有
道帽筆裘侑食於側者郭功甫是也合祀謝公未知何

時鐵讀宋史文苑王逢傳逢字會之太平州當塗人其

四世祖居巖仕唐爲驍衛長史遭亂歸壽山楊行密據

淮南以兵迫之居巖散退其家人以一身歸行密一日

大會失居巖行密使人掩其家無一人後有人於嵩山

見空石室詢其旁云有道人王居巖居此去莫知所終

逢博學能文尤長於講說學者數百人李璋嘗從學事

之甚謹岐國公主旣降按宋史公主傳李璋尚仁宗長

國神宗進楚國追封秦國徽宗加周陳國無岐國傳誤璋爲逢求遷官且有命逢

辭不受以太常博士通判徐州卒逢爲人樂易篤於朋

友與胡璣最善妻陳亦有賢行無子是王氏祖孫吾鄉

之賢者未能或之先也且家於青山禮宜合祀因增設

二主重題其樓曰五賢並倣顏光祿五君詠作詩五首

付陶君之鍾
俾刻之樓下

謝公愛青山結宇恣嘯詠不對芳樽領還看餘雪映惜遭鷹隼
擊未從谷口鄭高松送虛濤山池瑩明鏡烟霞一以新椒精敢
忘敬

謝宣城

仙骨埋青山草木發靈異至今邱隴閒時有龍虎氣永王號勤
王初亦無異志女孫山農妻尙知節不二先生天人流豈後君子智

李翰林

王公遭兵迫隻身歸淮南先期散家人豫絕其搜撻一夕乘大
會遁入嵩山嵐黃鶴不復返白石存空龕爲閭山中人隱德誰
能談

王長史

會之長史孫博學最善誘學者數百人李璋相從久主降爲求官有命辭不受出處類湖州宜爲道德友梁鴻雖有妻伯道竟無後

王通判

功甫慕青蓮天才亦惟肖道帽披瑩裘有食像曾貌當時醉吟庵所築必幽奧拂衣便歸休不用歌難到鍾山骨已塵鶴去烏足弔青山集有補到難篇爲真陽碧落洞天作
又挽王荊公詩裕陵龍始發鍾阜鶴隨仙

郭端州

食時魚戲效仇山村體

風定扁舟兩槳飛雨餘新水一江肥銀鱗網出心先醉便爲時魚也合歸

便爲時魚也合歸離根紅綻野薺薇一尊徑取花間醉况有新
芽竹筍肥

食筍齋前筍戲作

食筍齋遼懷園直舍取山谷和東坡詩意也歸田後齋前有竹數百

竿亦以名之

澄懷直舍垂千个人海歸航數百莖十七年來南北共而今始

不負齋名

韓孝女

孝女順天宛平人東流令韓

藻

第四女矢志不嫁母歿

絕粒十日死年四十有一

北宮嬰兒子養親老不嫁貝邱四女祠至今祀村社未聞以身殉從親於地下韓氏有女家宛平四十不嫁孝且貞父歿求死不得爲母生後八年母歿絕粒隨以行有兄復有弟姊妹行第

四父兄伯官號良吏十齡讀書知大義讀至女子有行輒流涕從容爲相敍長跪但垂淚兒身父母身行止烏可離乃知至孝天性成與古列女事殊異吁嗟乎屈原沈身非過忠孝女死孝將母同

閏四月二十七日夜夢與人詠槐醒記一聯因足成之涼雲一枕陰剛午老火千年色尚青知是何人舊詩句好風吹送到槐廳

鶼胡謡

鶼胡水鳥也至則兆水道光庚寅五月八日雨集湖亭鶼胡見焉閏三日鳳林圩破田家五行云夏至前爲犁湖主大水至後爲犁途主水退今距夏至已六日諺竟不驗

鴉胡鴉胡毋食我魚食魚猶可水至則邢一解水至則邢三日圩
破不謂鴉胡能速我禍二解禍匪鴉胡實降自天十日霪雨不自
鴉後不自鴉先解農亦有言至後犁途胡今不驗而反犁湖四解
維鴉之來天適雨維鴉之去雨不住嗚呼農夫兮曷思其故毋
罪鴉胡兮毋重天怒五解

張農部

祥河

以誠

蒙

御筆寄示閨夏朔日喜雨詩未有縈懷江上思儒雅煙
雨招吟逸興迢之句繪圖賦詩約南書房翰林祁庶子
嵩藻
許侍講乃普同和郵寄蕪湖次韻

開函煙樹靄蒼蒼爲寫 招吟賀雨章朝士動容 天澤厚門
生相慶

聖恩長 一時詩好從中和昨夜風來自北涼說與詞林添故事

老夫榮勝詔批黃

次韻祁春浦庶子

尊前別語君休絮西園我昔何曾去江南四見雨迎梅夢裏時
時看竹來春浦直舍卽予食苟齋人生會合有天意身作雲龍等閒事九
天咳唾時復聞蓬萊書亦空中寄憶從叱石歸金華明月清風
屬謝家經費本無樊素口招涼不醉荷笛酒芒鞚竹杖拜

君恩畫意詩情久不論惟憑祁岳雲山筆更貌荒江煙雨村

次韻許渙生侍講

車聲雷動瞬山蒼直舍林陰接豫章萬柄荷香魚鳥醉卅年鷗
夢水天長紀恩作畫圖新雨憶遠題詩詠晚涼聞道奎文勤
校勘北窗惜未與鉛黃初集方請御製校栢

傍郭湖山也鬱蒼清狂未敢擬知章

蕪湖城西有湖上人亦呼爲鏡湖

養閒風

月看無盡娛老詩書味最長畫裏胡盧誰共醉
張晝中有背胡盧者蓋寫其丙戌儀子詩恨不相從杖屨開捧觴杜箇胡盧去向意水邊高館記追涼明年倘遂朝天願應及宮槐花半黃

庚寅九月六日子卿太守招同唐季觀邵小璘暨兒子游荆山尋寒壁寒壁爲明御史駱駿曾題年月姓名皆剝蝕惟馬字偏旁約略可辨傳歐陽圭齋書者妄也

憶初訪寒壁太歲在癸丑厥後凡再遊重五復重九
嘉慶己未道光丁亥
摩崖名已泐不復知誰某謗譽誣歐陽昧目但信口今年雨多水不縮拏舟直抵荆山麓朱氏園林蹟有無寬閒惟便驅駒牧
荆山下國初有朱孝廉讀書處沿湖一帶爲江甯將軍牧馬敞是日嚴光照午晴寒壁二字猶分明歲月漫漶姓名蝕略有馬足偏旁形承謗襲謬三十載沙

蕪灘高湖亦改當時游者六七人惟剩龍鍾兩人在予與

子卿吁嗟

乎地志淺陋不足觀誰復知有蕪湖山此湖此山若出口一笑

摩崖真等閒

太平御覽宣城圖經云蕪湖山在縣西南山因湖以名之漢末於湖側置蕪湖縣按唐及宋初縣屬

宣州舊城在今城東北故云縣西南今縣東南湖上更無他山御覽所云蕪湖山當卽今荆山舊名志失攷耳

子卿追和

鐵

丁亥九日泛歐湖游荆山詩韻走筆奉答

好是絲衰竹亦豪湖天空潤調彌高翠煙遠掃山橫黛綠鏡平
沈水沒篙坡老驗時惟看菊菊花開時乃重九涼天佳月卽中秋坡公語也劉郎窘步爲題餚蟹肥魚美村醪醕不負餘年恣老饕

寂寞湖滑碧玉巖苦花藤蔓澀難芟詩篇自我流傳誤姓字憑誰爲補剗新月娟娟映前浦微風緩緩送歸帆路人莫誚疏狂甚老子茲游本不凡

葉筠潭方伯自太原寄示和詩船農部煙雨招吟圖詩

並以見懷次韻奉答

正臨秋水詠葭蒼忽枉陽春屬和章謬辱

主知恩獨忝頻蒙朋好意何長重搜篋笥多珠玉一別雲山幾
燠涼後輩有人方在告乞將佳句示秦黃

謂祁春浦田季高方告歸籍

湖亭卽事

消寒無伴且尋梅虛檻臨湖四面開一片空明誰會得漁人歸
去白鷗來

陳都轉

鑾

之任廣州檣舟江上顧予寒草賦此贈行

樓船直溯五羊城嶺樹花明海鏡平管子餘才稅鹽筴劉生勝
算利民生顧予白髮三冬暮送子青雲萬里程漫道此鄉多寶
玉須知使者重聲名

先師朱文正公開府廣東紀文達公集句寄之日此鄉多寶玉大子獨聲名一時傳

誦今予亦
借以贈君

耕餘所致雲薹子種之已可供食而耕餘適自漢上歸
遂約同飯東坡元修菜詩云長使齊安民指此說兩翁

後詩未嘗及之則元修果否致子未知也戲占一絕

示耕餘

耕餘菜熟耕餘至怜直登盤晚飯同從此園丁能指說齊安真
欲傲坡翁

王荊公

曹參不變蕭丞相王旦嘗思李太初若使青苗果無害熙甯何
苦罪荊舒

枕上聽雨十二月十八日

雞鳴不已天欲明老夫布被春氣生連宵釀雪雪未成蕭蕭檐
雨忽有聲山農跂望聊慰情忍寒看雨開柴荆麥苗菜甲潛滋

榮想見一碧千畝平梅花不耐兩月晴爛漫漸欲飛繁英寄言
司花姑緩行不須惆悵歲峥嵘春酒正熟思對傾

漫興

自歎桑榆晚人誇桃李榮同時

三縣尹一郡五門生

學使鄒復亭繁昌令

張掖垣

太平府教授

張桂山庚辰進士

蕪湖令

圖曉山

丙子舉人

當塗趙春山壬午舉人皆予典試所取士

教士先

敦行勤民在勸耕老夫百無事倒枕夢魂清

嘲唐花

村邊桃杏水邊梅花到江南底用催笑倒阿奴真下策牡丹強
使雪中開

飽歲唐花逼歲開競將春色買豐臺如何斗大江城內也學京
都樣子來

大雪

十二月二十日至二十六日

大雪七日夜寒風欲折膠黏天雲一色搶地竹垂梢豈暇梅花
惜深虞夢隴交饑鳥何處止有屋未芟茅

除日喜晴

乍聽虛簷冰柱墮旋看高閣日華明泥融巷曲誰通屐火活茶
香自滌鑰錢歲詩陳無好句快晴鳥樂有歡聲衰翁得意何人
會箭箭叢蘭冒雪生

壹齋集卷三十四

當塗 黃 鍼 左田

古今體詩六十一首

辛卯壬辰

辛卯元日檢點舊稿因題

老去情懷無所寄興來猶自愛吟詩劇憐小碎篇章外強半窮愁危苦詞

歎吳小巖

雪蒸

以予乾隆甲寅所作叢竹扇見示

一叢翠篠足煙嵐膏與王戎續舊談三十八年游蹟在清風將

我到溪南

小巖子華水部之
溪南浙居村也

病中聞湖上牡丹大放

已拚數日卽嬰孩放遺殘生轉自哀應與司花緣未盡又教重見牡丹開

林風湖月重低回怯上籃輿得來寄語于湖老居士檜軒稍

緩數年陪

時方修葺清翠軒于湖祠

病起

八十今年又二年沈疴垂死竟生痊何期雪鬢梳顏日

雪白絲發鬢梳

黃染病顏故翁八十二病中詩重覩紅稀綠暗天教僕掃除蛛網樹看孫補綴鼠殘編可憐結習終難忘自是多生未了緣

園居遺興

薔薇紛千葩芍藥大如斗亭亭青琅玕旬日高過母梅杏暨枇杷纍纍欲涎口苞苴日以至裏飯累交友孫曾相嬉娛日夕戲左右玲媯不自持強欲牽衣走那知病起翁腰脚非我有顧影祇自憐支離不成叟

臥病兩月未至湖上四月幾望肩輿出城市人爭來聚

觀有女子關門自語公固無恙耶故有第四句

藥裹纔拋便出游聚觀行聽市人咷非關問疾煩居士悔未逃
名學伯休兩月重來花事謝一樽猶記酒人留夕陽欲下不歸
去知被青山笑白頭

蕪湖縣東南鳳林圩有田十萬畝濱天成湖堤長二千

七百餘丈道光癸未庚寅隄凡再決農民不堪其苦辛

卯孟陬許上舍

白歸自漢陽督圩丁築之四閱月而功

竣立亭其上榜曰有慶五月四日買舟邀同王太守

澤

倪明經變宴飲以落之用東坡兩橋詩韻作詩一首一

以憫農民頻年湖決之苦一以美許君不惑人言爲善

有終也

有圩縣東南長隄繞虹霓湖水蓄其址佩帶潔眾溪厥土惟下

下尺寸分高低中有萬頃田爭此一綫隨譬若孤立士輒爲人
排擠七年兩遭決補東復罅西澤農苦淫霖出入愁登躋倉囷
鮮蓋藏道禳無豚蹄回思癸庚秋大浸天可稽蓬茅幻海市孺
稚如兒驚狎恰聚斷隄如登青雲梯饑蛇挂樹死窮魚膠於泥
千人幕一天孰判戶與閨所幸昏塾中猶得婦子擣悽其夜深
靜寂不聞犬雞竟欲叩龍宮恨無分水犀此生免魚鼈沒世甘
蒿藜至今一追憶痛如虧割膾

望君如望歲奚止是雲霓翩然下武昌涉江如涉溪朝歸莫卽
田抵掌茅屋低餓寒豈不恤火急先築隄同井頗異志流言反
傾擠毅然一意行沙不覩東西危墉洛雨立敗垣杖策躋坐使
三千丈如砥馳風蹄一心成大功厥德不可稽招邀值令節絲
管驚浮鷺有亭翼然高廟土爲階梯良田碧千頃無地容塗泥

農夫輒未耜紅女離幽閨傾邸來聚觀壺榼爲綏攜歡聲塞兩耳不暇聽午雞競渡嬉雙龍刻石遲三犀待我祝
覩歸再杖觀稼藜坡公有成書勤修毋噬臍

江行書所見

洪濤三丈沒江堤燕子飛來亦覺低四十八年熟游路重過洲渚境全迷余自乾隆甲辰後不復江行今

一簇茭蘆水四圍望中島嶼霧煙微忍饑自棹湖魚賣掠食心

隨江燕飛

河伯江妻忍不憐圩田破盡未慨然揮刀斷水元無法願借秦
皇驅石鞭

鄉城逆旅志感

餘生何幸再朝天優恤猶蒙

聖主憐

行至江甯接本廷寄

上以臣鐵年逾八十甫經病

本籍以示體卹

耆臣之至意

十八年前予視學山東渠曾與試謂予顏面猶似當年其然歟

不道有人暗相識謂予風貌似當年

逆旅主人鄰諸生也

辛卯六月十九日大兒

初民

侍予北上行抵沂水堵莊

驛卒中風瘈口不能語歷四時而歿寄楓野廟留二僕
守之俟予到京遣人載送南歸慘目傷心難乎爲父哭
之以詩

六十不爲夭侍親非遠游那知死有所故遺疾頻瘳

京師蕪湖天病者四此非定數歟

死必死於牖博行非忍輞車歸待秋家書含淚寫爲抒子孫

憂

痼疾連年發幾番阻爾來傷心應亦悔有口不能開噩夢前無
兆孤魂羈可哀一棺依二僕誰伴汝泉臺

二子壯有室兩孫秀可嬉及歸小春日慰我夕陽時十月十日
生曰予歸正值其時
更難爲懷一急傷生易沈酣止酒遲倉皇中道折祇益眼前悲

再到澄懷園食齋直廬寄懷田季高祁春浦時祁以假歸田

去以憂

花竹依稀識故人入門阿那若相親五年再到人非舊三徑重
開境一新維鵠有巢仍送喜懸琴在壁已生塵門前老榆鵠巢已三十年壁上
懸琴爲季高所留太行千里青於染西望煙巒倍愴神

題潘尚書世恩癸丑翰林同年雅集圖

詞臣重望吳文定賞菊曾圖海月庵一自仙瀛傳雅集又從吳
乘續清談恰好蘭亭修禊年大羅天上會羣仙就中識得三人面南望靈

光尙巋然

吳玉松周石芳戴金溪皆庚戌同年

殿試者玉松長予四歲尚清健如昔

補

府大馬錢質夫耶中戴金溪少冠四人

庚戌同年在朝者僅蔣丹林副憲王蓮

少冠四人

八十龍鍾

陽五老圖

庚戌同年

在朝者僅蔣丹林副憲王蓮

府大馬錢質夫耶中戴金溪少冠四人

庚戌同年在朝者僅蔣丹林副憲王蓮

少冠四人

一老夫重來真似曙星孤何時也

倩丹青手畫作睢

題葉給諫繼父

同年采藥遺像

醫國醫人志未伸唯餘種藥像猶存

我來君去哭何處目極歸

舟當歸門

子七月到京介予

扶柩南歸

漢上題襟兩少年形神曾倩郭生傳

乾隆甲辰予游漢陽曾與

君倩郭說巖合寫小像

那知後死龍鍾者卻爲題詩一泣然

東阿郊店黃菊一叢花小香烈真菊也感而作此

競將五色綯東籬不識黃花祇故姿醉爾一杯三歎息可憐真

僞有誰知

道光辛卯夏五大水發自貴州泛濫湖南北江西江南

濱江田廬盡沒死者無算冬十月歸自京師卽所見述爲此詩仍用東坡兩橋韻蓋燕湖圩隄築成曾用此韻
伯詩相慶水至隄壞才二十餘日哀流民之無生婉振
救之乏術天實爲之謂之何哉

猛雨五日夜耳不聞霆竚我時徂京師滯留於姑溪不知江水
高但覺青山低王尊非不勇有身填無隄兩師旣不仁陽侯又
反擠建瓴湖南北扼注江東西所幸淮黃墻弭檝猶可躋燕齊
大有秋安穩馳輪蹕行行至修門祝一畝兩月稽秋風送征雁
歸舟逐鳧鷺延緣驗漲痕才落一桃梯村市蕩成墟廟佛淋爲
泥石衣挂高樹浮魚潛空閨是有婦子未耜春曾擣可憐隨
波臣拍浮如連雞附身且無棺安有爪遺犀生者迫饑寒又復
僵蓬藜天乎可奈何振救已噬臍

八十三吟次放翁韻

祝君深媿麥邱人八十三年枉見春
娛老空藏圖史富遺安何
卹子孫貧非期結草方爲食重感
翳桑敢貳珍誰辦豚蹏依里
社願隨翁媿賽田神

哀饑民

辛卯夏大水泛濫荆揚州流屍蔽江下破屋隨波浮舟行入城
郭何者爲田隣熟人而活人人多家爲優
皇仁重軫卹司農預綢繆春明蘇病農稍稍親粗耰延頸共鶴
望忍饑俟麥秋

麥秋尙未至恩澤有時止其如餓者獨狎恰填街市日乞人
一錢施者亦倦矣飢火爍肺腸那復顧廉恥攫肉學烏鳶姑緩
須臾死罪之非寇攘驅之病轉徙安得百黔敖爲食於閭里

吞棉婦並引

今之棉花古吉貝非絲綿木棉也子由和東坡獨覺詩
欠伸吉貞重義裏會用之饑婦所吞正此物從俗稱爲
寶

水漬有民婦持衣赴質庫十日不穀食入門便僵仆急爲鬻飲
之少甦旋大吐非草非木皮如涕下無數詢之噉何物徐徐泣
且訴年饑夫逃亡告糴乏親故屑榆粉爲餵襍揉以敗絮哽噎
不下喉強吞聊取飫主人聞之悲錢米出相助仍恐饑腸枯戒
之食無還我聞古忠臣吞氈奇節著食紙煮鑊營守死孤城據
僅哉彼天人忠義金石固藐然一鄙婦何不乞食去客言千里
交茫茫半沮洳到眼皆饑民嗷嗷孰資哺有棉饑且吞無棉死
朝暮感歎述此詩放筆淚如雨

裕溪關有丐婦以墨畫壁題詩大哭而去詢以姓氏不
荅詩曰蕭條行李走山坡只爲年荒受折磨雨濕弓鞍
行蹣跚風吹蓬髮影婆娑沿門乞食推恩少仰面求人
忍辱多自恨妾身遭命蹇夕陽回首淚滂沱卽其語爲
詩哀之

行蹣跚甘忍辱吁嗟此詩不忍讀饑來驅行蹣跚羸翁孰爲
夫垂壁不荅泣路衢天乎天乎孰使此婦能詩復能書妾命薄
天心仁薰香而坐彼何人

和州江上有港曰鍼魚觜每歲春中山鍼魚僅數寸口
鍼幾半其身予年十八曾詠以詩今但記兩句腸不去
乙骨留丁一寸二寸全其形讀宛陵集鍼口魚賦譏其
穎不能刺肌膚目不能穿絲縷上不足以附醫而愈疾

下不足以因工而進補以口得名終親技女大非膾材
唯便鮓滷有感於心因續成之

有口但喰嘲懷鍼百無用補袞既難勝刺人復不痛惟儕白小
當園蔬嘗與漁郎埋飯鑿腸不去乙骨留丁一寸二寸全其形
尋常鼴妾咄嗟辦登之鼎俎人嫌鯉君不見王鱠跋浪高於屋
喙長三尺溫如玉一尾百夫厭不足眇小纖鱗何足錄

市有菜布辟穀方教饑民服食者作此諷之

肌腸哀鳴胃神哭跰躰鑿井旋簡匍道逢仙人授祕方教以服
食能辟穀一從枵腹逾冬春此中空洞久無物卽令靈藥果療
饑安得閒錢買松朮救荒避亂本兩途絕粒棄家非一族清風
明月不費錢望梅畫餅難爲福與其救死九還丹曷若回生一

孟粥

牡丹

競豔爭妍時牡丹嬌歌冽唱佐清歡未須十戶中人賦也費張筵幾日看宿麥已抽風不暖春衣欲換曉仍寒今年此會非輕易莫遣紅珠迸玉盤

憎馬歎悼墓木盜伐也

松耶柏耶蒼翠空墓木斫盡春山童饑盜救眼前死那管青鳥誰吉凶餘殃波及到禽鳥樓托無樹來城中城中林木尙鬱葱爲巢覓食趨西東衆中老稚聲最惡未明噪聒羣呼風尋常開口便掩耳何堪晝夜親房櫳凡禽作巢啼轉寂彼獨啞啞飛憧憧驅之不去叱不畏似對以臆明其衷茂林深蔚豈不顧甘爾唾罵交相攻惟期四野田禾豐遠近老稚饑腸充還我灌木高叢叢廣陰山山馬鬪我亦無怨無恫

題畫

氣韻還從書卷出筆墨要與性情俱須知畫理通詩理莫學盧全鬼畫符

見遺山論
詩絕句

積墨爲山不用皴強將空處當煙雲橫琴坐待知音賞未必能來宗少文

涴壁汙窗六十年零縑斷楮閒流傳慙予已是東家婦更效東家亦可憐

頃有示予五十年前所作畫者半皆曆本

銅柱

銅柱何時折南蠻又弄兵山深足妖怪地險失韓彭罷虎非無勇韜鈴要熟精未煩歌采芑宜免有干城

自警

記誦區區事等閒神明到老便昏頑最憐馬縞深知禮猶把微

之嗣魯山

題北園圖

園在會稽山陰左僉都御史陳允恭別業

北園圖繪誰所作新羅山人華秋岳北園亭沼誰息游文範先生陳大邱先生占籍在西粵舊井鄉松實子越穿池築館上方

山澗複巖重竹樹環草堂十志剩佳詠輞川妙蹟留人間

園久廢志

據仁和金古青游北園十詩存其蹟先生立朝言讜正亮節清風誰與並同年時

有朱高安門生復得孫文定

先生康熙甲戌進士與朱文端軾同年癸巳主試山西得興縣相公

嘉慶百年圖畫生古香付與文孫十襲藏文孫一昨宰江鄉亦有

園依緣水旁留春小舫今猶昔手把元方憶季方

乾隆辛亥壬子明先生從

孫岸亭先生卒葬湖舟於陶塘南築留春小舫亦繪有圖予與令子懷齋然弟兄時觴詠其中今懷齋重來仍宿於此而默

齊下世十年矣

嘉慶乙丑在京師戲作中秋節物圖失去已久道光壬

辰六月子穎姪孫以錢三百得於市

畫餅尙書不救饑香山句佞性無益笑當時那知流落村民手換得黃粱一斗炊

桐孫料理畫箇復得予道光乙酉中秋節物圖戲書於後

節物中秋二再圖憶鄉爾日當尊鱸而今入市誰稔賣更值千頭芋也無

壬辰九月旣望秋試報罷招集倪仙霞雙謝曹生雲龍

陳用侯晉人海歸航小飲出巨觥醉客仙霞有詩次韻酬之

黃花僅得一枝參蕪湖僅人得第一萬藥臨風待露函賦草莫隨狙怒

四工歌終聽鹿鳴三但能善戰無虞北不藉輕車爲指南且共

酣呼盡樽酒隔牆何必問曹參

越州女酒味輕清洗醕呼僮一再行引滿懸無銀鑿落柱歸喜
有鐵彭觥萬言自是他時事一醉何如身後名我識此中甘苦
久廿年潦倒困研京

閏九月菊始花

怪底黃華未肯黃開遲端爲兩重陽不教秋老餐英盡故遺霜
濃汎酒香思制頽齡延靖節欲傾家釀問長房今年疫癟甚
盛近始平復紛然滿把休嫌晚且傍東籬醉一觴

次韻侯廣文雲松題希石園圖卽送之歛並乞其畫

卅年不醉金陵酒故老彫零十之九憶昔與君乍相見濯濯真
如春月柳是時風雅獨推袁篤齋江左人文萃淵藪乘興扁舟
賦近游接席殷王輒連肘游君季孟遽幾時趙北燕南各奔走

黃山坐冷廣文毡于湖來訪同年友子聊相逢一笑蕭寺秋君鬢
初霜我枯朽作詩題畫述舊游攬物興懷細評剖瘦藤能耐巨
浸侵盤石惟堅故可久溫柔敦厚婉多風固哉爲詩笑高叟絕
交何害山巨源疾惡未頗朱伯厚我年耄及猶疏狂有口如瓶
那能守眼前俗子徒紛紛面塵不掃翻嫌帚看花牽率強隨人
有酒也能笑開口常將善鑑祇自看對人未敢忘其醜因君忽
漫發狂言閉門獨學嗟無偶爲憶城陽舊講堂山中故人亦僅
有當時嘯詠無何鄉剩得奚囊詩幾首惆悵匆匆君遽歸一飯
未能具三韭寒梅花發到窗時一幅生絹能寄否次第春風上
彩豪莫惜溫爐呵凍手

車螯

前身淮海一微禽滋味甘鮮耐酌斟卻怪荆公專惜殼欲詢醫

者再三吟

黃姑渡父盡麌材一飯難邀笑口開不惜身入尊俎如逢名士過江來

俗傳車輶不渡江以其難經久也

邑有少婦張夫死有孤五歲貧不能活叔姑嗾之嫁誓死不從鄉人義之醵錢鞠孤以成其志

夫死當死不死胡爲乎夫有孤叔姑嗾之嫁不嫁誰與卹此孤長跪向叔姑孤死兒死孤存兒存謂他人父何以對故夫覓不得聲嗚嗚鄉里聞之悲醵錢鞠其孤有母夫有孤吁嗟節義無時無

于湖祠從祀六君詩

並序

道光八年歲在戊子孟夏移祀于湖先生於滴翠軒因念國初蕭湯二老暨乾隆年間吳洪陳謝四君節義文章久爲鄉里

欽企而皆抱伯道之痛有不祀之嗟爰製六主奉以從祀詢之
鄉人僉以爲宜復恐後生未盡悉其生平述其大略詠以五言
俾有所攷焉

蕭明經雲從

尺木老人

本朝隱居窮巷

今蕭家巷即其故居

圖騎畫壁以終餘年不

期末藝獲邀

天鑿雲從老骨死且不朽

蕭存居青楊歿猶氏其菴小築傍能仁

有園名梅築近能仁寺久廢剩聽煙

鐘撞圖騷板已蠶畫壁色餘絳遺卷荷

天題長歌憫愚蠢老願死竟酬精靈感應降

恭本高宗聖製

湯秀才燕生

巖夫明諸生太平縣人流寓蕪湖工詩通六書精篆籀有商歌

集不傳傳者明詩綜赭山二首然簡翰留遺頗多佳什惜竹垞翁未之見也

結廬在黃山于湖來教授善篆通六書不落斯冰後商歌出金石遺編渺難購我時拾得之往往錄其副不獨赭山詩懷古意深厚兩地寂無人千秋誰俎豆

吳中書志鴻

雙溪休甯諸生家燕湖乾隆辛未
純廟南巡召試獻賦諸生授內閣中書舍人問學賅博詩文穎敏旁通篆隸卒於官無子有二女

召試授中書實自公等始惜膺此異數官不數年死平生千萬篇散佚無人理僅存鍾馗圖一賦誦鄉里公本吾父執軼事聞稚齒和易多慧能軀幹頗奇偉得名同溫岐卽以此賦擬又聞

少祈夢夢入靈光歸中縣筆一枝旁立二女子身後夢果符傷哉誠可唏

洪知州鑾

阮溪負不羈之才喜詼諧早成進士官東平州知州有惠政死之日民皆流涕著悔綺省吾二集有子而天全真宮道士某其族孫也勸繼其後不從

滑稽固自雄調排卻非福後生不自知漸習浸成俗君負能吏才東平號良牧塗判而市推電掃不留獄鄉人過其州親見州民哭但恨族孫愚戀此黃冠服

陳孝廉春華

實甫兄弟竝擅才譽君尤博學多聞工書能畫詩文綺麗惜無專集籍江甯中乾隆丙午舉人曾祖祖父皆官於朝有江左名

士之風然一門羣從無一有子者悲夫

灼灼夭桃花光華並穠麗胡爲葉蓁蓁而無一實綏木主寄孤
貪林立塵土翳歲時誰炷香安問魚菽祭門生見之悲掘土爲
埋瘞天道不可知究嬰何罪戾魂兮倘歸來對此定流涕

謝太守登閣

梅農天資既高學力亦至屢入禮闈不得進士第其命也耶以
國子助教出爲宜昌同知軍功遷本郡太守攝黃州事卒於任
有退滋堂集八卷姪孫松梓而行之無子以姪某爲後

謝公居比鄰落落知音寡風雨時過從談深燭爲炬京居官多
暇出每借車馬顧我考所業不憚頃筐寫一從參楚軍宦轍隔
分野羽檄紛交馳書卷常在把天胡勒其年不令歸里社洪陳
君交親奚止一日雅招邀來山堂爲我進一尊

於賣舊畫處得邵友圓破碎遺像重爲裝潢愴然題此

識得中郎剩幾人何妨泡影付煙塵翻嫌當日丹青手貌爾形
神太逼真

壽君諧語記當年貨屋如官歲左遷那有亭臺似圖畫添香兒

復擁嬪娟

貨屋句乾隆辛丑壽君五十詩

人世難逢百歲翁此翁今尚貌如童題辭聊當招辭些定有魂
歸大海東

君卒於福建令弟鐵君任年七十今百有二歲

古桑書屋圖

乾隆辛丑王井東畫

五十二年屋兒孫都不知留圖賴王宰題句剩胡仔

題者七人推胡君成

耳在浚

井失枯桑影苔生草閣基所欣故人恕未勒北山移

壬辰除夕

歲儉物情多擾雪晴人意稍安莫謂瓶水偶凍須知天下皆寒
七載飽諳鄉味一尊團坐兒孫慙媿不耕而食餘年難報

君恩

山梅寒甚未白唐花火迫能紅庭雪自成山子簷冰天然墮公
人道翁猶豐饌自言叟未支離百歲十六年耳老夫努力爲之

壹齋集卷三十五

當塗 黃 錢 左田

古今體詩五十首

盡癸巳
一年

癸巳孟陬四日飲子卿家壁懸子乾隆庚子入都留別
五言二首時子卿年二十二予年三十有一今五十四
年子卿次韻見示予亦和作

君齒時方冠予年壯已過青春轉眼逝白髮滿頭多惜別憐芳
草留詩寄衍波何期仍挂壁對酒復高歌

長干獻賦罷六試一名艱毛穎頰將禿參軍語欲蠻
是歲高宗五
巡江浙召試獻賦諸生錄名在二等先是甲午順天鄉試挑取四庫全書館贍錄時將入都竟得議敘一官惟希素
心共敢冀錦衣還努力崇明德夕陽猶在山

穀日人海歸航小集曹生和韻見贈次答

羨子文辭富懸子老盡過金蘭三世契玉樹一門多冉冉歲華

始
奉魚酒菱波清聲誰與和合付鳳雛歌

謂令子
和

氣盛少游壯渾忘道路艱觀風隨繡斧攬勝到烏巒

君隨從兄
峻生觀察

滇南任雪甚莫雲合談深宿烏還休醉成一醉春霽好看山

耗磨日卽事

耗磨今晨是古風俗未知燕公曾有詠應節可無詩綺席燈猶

豔華軒月上遲真成不事事取醉管絃宜

是夕巴司馬署中觀劇

湖亭對雪

開正三度雪北風無時休春來已兼旬春氣未和柔梅寒強作
花麥細苗不抽頻年苦昏墾深塵田父憂徘徊復委積一白連
平疇湖山入空蒙但見雙白鷗

食黃魚

我家中江濱有魚多且旨尋常價亦廉咄嗟付刀七衆中黃魚
湖江上四五月閒偶入市兩年不復厭若魚正坐連書夏大水
今春雪甚網罟寒何意脆骨重登盤游不擇時爲所得停杯輒
筋增長歎魚兮魚兮泥沙蟠勿縱大壑興狂瀾陽侯奉職鯨波
息我甘忍餓不爾食

次韻仙霞雨窗襍感

不見倪高士春分忽已過園林無客到風雪閉門多雲重欹高
柳鷗輕載綠波定知意無極擊節一長歌

笑我老耽逸不知生計艱食單猶有肉經費幸無蠶一室常清
淨浮雲任往還寒梅開也未相與問孤山

二月五日獨游圓照寺

社過春寒燕未飛雨餘湖漲水平隄庵門僧老自鋤菜花徑人

稀獨杖藜挂壁
幾年詩好在
曉階明月酒曾攜
濕雲又卷前村
樹悵惘籃輿興盡歸

上已雨

惜花對酒重悲春
杏豔桃夭盡委塵
愁雨愁風連上巳
一觴一詠負嘉辰
書拋雲翳全昏目
裘敝寒生宴坐身
天意倦晴農事急
幾時秧稻眼中新

讀未齋先生詩文手蹟示小璘

憶背髡髦一學僮
於今禿鬢已衰翁
先生詩筆流遺在
往事湖山笑語中
金溧著書官獨冷
先生官舍山教諭金淵集元仇遠爲溧陽教官著集中亦稱金溧
鷗波娛老札尤工
郤慙李漢難爲序
珍重減題付小同
鍼於先生爲從子

娟子

文孝祠有序

蕪湖西門外昇平橋東有文孝祠祀梁昭明太子俗稱
文孝皇帝按北周書蕭贊傳江陵平太祖立贊爲梁王
居江陵資馳一州之地贊乃稱皇帝於其國追尊父統
爲昭明皇帝贊傳位子歸歸薨謚孝文皇帝直齋書錄
解題昭明太子事實二卷知池州趙彥博編昭明廟食
於池頗著靈響元祐始賜額曰文孝是昭明廟食於池
廟額曰文孝非其謚其孫歸謚孝文皇帝非文孝今蕪
湖文孝祠塑像袞冕俗遂稱爲文孝皇帝致使祖孫混
淆謚額不別昭明於池有遺愛祠之固宜蕪湖非其封
邑志稱明邑人陶勣建豈因其靈爽而邀福耶第稱文
孝祠可稱文孝皇帝不可詩以曉之

蕭贊竊帝號附庸已可憐自娛而尊親於禮亦宜然昭明仍舊

謚未改前星前文孝乃祠額賜自元祐年偶符其孫謚遂令相
牽連冠以皇帝稱不攷孰甚焉蕪湖舊有祠近在城西偏大都
效池俗邀福呌致虔福處湫隘中襍坐棲一椽罔知神爲誰一
例無香烟屠兒日當門霍霍紛囂聞祠中雜祀龍神火神與昭
明並坐又有屠者日鼓刀
於門有舉莫敢廢曷不奉主遷祀典姑緩修正名斯其先

石首魚

棟花來石首入市競烹鮮又下何曾飭探支解櫻筵年時專節
物頃歲阻江船勿忘臨淵羨滔滔浪拍天兩年大水未
有販至者

道光辛卯再至京師客以畫請鑒甚夥真僞相半癸巳初
夏憶其最佳者各記一詩

支仲元老子誠徐甲圖

成邸所藏

靈符一擲老猶窮二百年來愚晉中但索黃金忘白骨可憐徐

甲亦凡蟲

范寬秋山蕭寺

溪谷深虛水有聲秋山蕭寺境淒清笑他四皓粗知畫未必人間無李成

開寶中孫四皓招李成畫成不往孫遣人往營耶啖當塗者獲數圖見聖朝名畫評覽畫師李成米元章

有無李論故云

左建歸牧圖

在太僕卓涼帆處

筆蹤略似馬和之風雅圖中葛屨詩僮牧凌兢牛骨出秋風葉落夕陽時

人物寒儉頗似馬和之為穀圖

馬遠梅花詩思

梅花幾樹壓湖紅抱鄰幽人坐水軒解得畫中有詩意灞橋風雪是陳言

仙霞述濱江農夫救圩之狀衍爲此詩

癸巳六月江水漲隄高一丈水一丈是時五穀已熟農夫對
之唯痛哭何當惡風吹倒山兩日兩夜江欲翻六月十一十二
兩日夜大風飛
瓦拔木不止農夫上圩立便墮叭身捍隄背江坐牛衣蒙頂人並人
白浪如山壓頭過死心努力勿少惰君不聞當塗昨日官圩破

六月廿四日事

野望

出城避潦路攀迂江入田廬水竝湖我亦有詩堪作畫誰爲野望憫言圖唐六如有野望憫言畫卷爲正德己巳吳中大水作見清河書畫舫

望闕言局

店六如有野望憫言畫卷爲正德己巳吳中大水作見清河書畫舫

陶制軍潤雲臺山唱和詩後

陶制軍潤雲臺山唱和詩後

2

益海旂幢擁傳來勲名端令上雲臺時閩兵海州。鄰侯自抱神仙嘗

爲閒吟眺十載東南手滌災

蕪湖東南沿江六埠暨麻浦鳳林二圩田可十餘萬畝
自道光癸未以來屢遭異漲重以淫雨圩隄不勝衝激
輒被蕩決眾乃集議通力合作率圩丁自春徂秋窮日
夜與水爭地費金錢米穀無算卒不可保癸巳七月十
八至二十三日江水洶湧諸圩悉破稻已堅好可炊而
食一夕付之洪流忍哉忍哉天降灾禍非人力所能勝
也詩以哀之寄雲汀制軍

築隄山覆質決堰水奔梭忍奪如雲稼全拋大海波誰爲司浩
渺我欲研蛟鼈隄決時見有物爲患莫道天難問無人向壁呵

天乎母乃酷暴殄屬誰愆資力三時竭江湖一夕連周官有荒
政禹甸少閒田無計囊沙塞空愁雨脚懸
畚鍤棄無用流離身未知棲心猶稻隣轉眼失茅茨黑岷助爲

虧陽侯太不慈十年三大水民病豈能支

縣小無程鄭頻饑富亦貧騎煙久成俗任卹屬何人不入萑苻澤終歸魚鼈鄰救荒推彥國急爲拯吾民

大水浸湖亭花樹深二尺許子卿太守於水中移植就
陸棹以歌謠爲廣其意

木資水生實資土樹土淺水深根將焉附

一韓園花主者移解

之林林原木誰其戶之

二原木林言息其陰田禾載沈祇攬

我心

三解

田禾載沈莫辨隴畝陽侯不仁奪食於口

四奪食於口解

命分當饑洪波浩蕩樹荻何時

五解

讀梅農太守退滋堂集感賦

平生篇什富琳瑯晚歲從軍極慨慷舊葺幸無投溷報遺書終恨鑿楹藏松陵唱和猶朝夕漢上題襟半在亡始信文章憎命

達真成厄閨等黃楊

集經數手甫能刻成而全編在其嗣子處匿不肯出

鄉農制木盆圓如百石甕深尺有奇名曰划盆春雷泥
秋禾萎胥是物也頻年江水漫溢城市用以渡人出入
甚便而推盆人日夕艱露於水又甚苦故作是詩

岷山至海門萬里江流乘胡爲不能容泄此稽天漲翻涌郡縣
灾浩汗田廬蕩蕪湖一彈丸正與中江傍厥田爲下下連歲決
隄障餘波及三門南北西三門皆進水惟東門無之浸淫入城閑市肆通波濤
居民逼奔放高門半樓居貧家物無長架閣支戶扇漂浮失瓶
益沈竈竈競鳴漏牀疊滿帳不蠲無地除醞釀水爲汪烏浪切水臭也
誰爲易米茗孰與致醯醬千金得一壺划盆功足當寬容兩三
人圓如白石寰豈無舴艋舟門巷隘而妨豈無竹木滯鈍行
不暢宛轉惟盆宜載送一夫壯出入取數錢東西隨所向惟憐

推盆人日夕浸濁浪忍饑事大難苦身以自養沙蟲雖齧人幸
非食心恙減頂亦可虞暫免魚腹葬罔顧冷雨淋兩足凍且彊
歸家已無家安得熱湯湯回視盆中人何啻坐天上吁嗟神禹
氏四載劬心匠蠢蠢益渡民制器巧不讓但恐受病深開春多
死喪祈天捲秋濤赦茲民无妄明年勞此盆專聽菱歌唱

小重陽日招集子卿仙霞曹生小璘食筍齋看菊壁有
乾隆甲寅九日合圖小璘今年年四十後圖兩月生翼
日次圖中韻題詩見示答之

別葉戰風鳴山齋九日清撫時悲過隙命酒待飛觥有客看花
至同年後卷生新詩若秋菊粲粲美如英

九日子卿招同仙霞曹生小璘登朱氏三層樓時積潦

甫退

拾級近能勝腳力登高遠久住肩輿一彈指頃重陽到再續游
蹤四載餘庚寅會此樓荒縣臨江成澤國虛櫺出樹儼巢居潢汙行
潦看都還目送哀鴻意題舒

次韻曹生

層樓合住陶弘景邱壑宜安謝幼輿勝事難兼聊作達貞辰取
醉不求餘飛雲卷雨輸華構冷醉閒吟慰索居底要將身陵百
尺元龍湖海氣方舒

次韻仙霞

翠微在望嬾提壺巷近樓高暫命輿兩度來登風日美一尊誰
記笑談餘每當雪月思過賞何必神仙始好居好與倪迂攜畫
卷倚闌時對莫山舒仙霞善畫卽其樓下館

可歎

學鮮卑語壓胡桃百萬榜蒲也足豪可歎傾貲博蚊聚枉教稀
腹恣貪饕

彙六十餘年所畫小像自十七歲至八十四歲最肖者
九合寫一卷題曰我與我周旋圖

不羨鍊形還少無勞奪舍升仙水波散成眾影丹青留駐韶年
佛說諸相無我老稱大患有身何妨形影相荅聊當天涯故人

嘗新釀

釭面新第似蜜甜論斤價比市沽廉一杯聊引三更睡那管人

閒笑扈

謙扈謙好飲酒不擇精鹿見雲笈七籙

題文文肅公文會圖

兩朝抗疏獨觥觥三月台階僅躋明爲問當年五十相幾人風

節似先生

文采風流異代存承家猶復有諸孫乃知執事真餘事子孝臣
忠在一門

公子二秉乘乘遭國變死于難秉子點隱居不仕卒於康熙四十三年子亦以哀毀踰月卒見曝書亭

集

文會何時寫此圖陳編發冊五人居致君堯舜非無術宰相從來要讀書

何甥謝舅擅江東出處平生亦大同不料歸來唯一慟頓教竺

塢講堂空

公甥姚希孟少與同學公歸半載姚卒公哭之慟亦卒

十月二十六日夜

驗時過天雪連夜迭聞雷乍起披衣坐旋驚寧輒來民情苦晵
蟄天意敢疑猜願斂陽和氣春回大地荄

子月

子月饑交氣已嚴經旬又苦雨風兼散愁橫自書千卷援老惟

憑火一坎俗薄那容身獨善民饑難禁口長箱鞠榮樹麥衍期
久急丐晨曦照屋簷

倦夜

捲枕遲去天明捩眼盼窗紙忙閒百無營慙媿雞鳴起

霜濃饑鳥號竹密凍雀聚晨光乍熹微各各拚飛去

休甯孫

元鑑

僑居蕪湖延邑諸生

汪才會

於家教其子

一夕無疾卒孫卽所館之堂俾其子治喪爲位受客弔
且營貲以贍其生鍼高其義詩以彰之

生於我乎館死於我乎殯夫子曾有言行者見亦僅杜墓在寢
階許葬復許哭此事古罕聞記有季孫夙孫君延塾師汪姓才
會名五十不得第爲邑名諸生一夕無疾卒子侍泣無訴孫君
曰無庸棺衾我已具遂空所館堂俾其子治喪爲位受客弔弔

者咸感傷嘗貲其孤撫之讀父書乃知師道立不爲生死渝
孫君兮孫君高義薄天雲不圖三代後猶復有斯人

許小琴分司英德歸遺佳石命之曰天柱

平生不識衡嶽峯亦未腳踏灣山路但讀昌黎謁廟詩紫蓋連
延接天柱許子昨自英州回遺我三尺寒崔嵬孤峯雲舉落天
半恍從南嶽遙飛來憶昔石湖曾有此峨眉疊嶂三峯峙嘉名
肇錫偶與同古石今人何必似范石湖有小峨眉煙江疊嶂
天柱峯三石天柱亦英石也維時風雪迫窮冬陰氣晦昧連簾櫳會須淨掃同雲散想像突兀

撐青空

范石湖有春雪數作用爲瑞不宜多爲韻五言一首癸
巳嘉平大雪經旬效其體

澇歲雨雪易初不用意爲嚴飈一夕吹體體沒階墀三百呈豐

年盈尺書上瑞中田潦未乾何異千金棄朝寒袖籠手夜寒被
覆首不知瓜廬中焦先能活不往者薺麥茂高下無不宜地鑪
烟梢枯婦子咸嘻嘻馳牋寄膝六祈天布陽和麥畦生意足茅
屋春風多

小琴攜南唐古梅畫卷至廣州歸來題詩殆徧復書二
絕于後

七年未到平山口爲與梅仙賦遠游不識生年孰先後親攜畫

卷問羅浮

龍城錄趙師雄醉憩羅浮
梅花下在隋開皇時故云

萬里歸來畫亦香卷中題句盡琳琅雪晴擬載看花酒去就仙
人玉尺量

壹齋集卷三十六

當塗 黃 鍼 左田

古今體詩四十三首

盡甲午
一年

大雪

正月二日夜

一夕雪三尺平明掃不開填門已無路賀正更誰來往歲未曾見餘年第十回壓枝瓊樹折戴石玉山頽奧突光芒射階除迫使塞堆麥稀仍苦凍田澆恐罹灾但有塵生餓毋煩羽掠灰見癸
識
村村雞唱寂寥雁聲哀小惠誠難遍
私捐賑銀僅萬三千
有奇終於城中貧民
濟洪恩普易該怨否民曷敢鼓舞盼春臺

卽事六言四首

投鼠罔知忌器奪牛匪爲蹊田腐木不可爲柱濁流豈有廉泉鶴媒媚主傷類虎張求代忘仇未聞襟裾自褫甘作路人馬牛

廁鼠競食不潔獨得劫商富名何曾家有金谷劇憐身落秦阮
伯有相驚爲厲彭生人立而啼鬼物安能禍福卿輩自墮泥犁

平山口南唐古梅今年作花獨盛許小琴招同子卿蘭

泉仙霞曹生賞之距丁亥已八年矣仍次坡公韻甲午

二月十六日

古梅如定僧幻怪眩弗動陽侯犯之三曳兵不敢弄

道光三年
十一年十

三年大水去
山僅里許今年雪復饕沒體三尺凍和風幾日吹異事四山

鬪不知於何時東皇領僕從囊取萬蝶飛恣意枝頭縱八年我

再來二月春又仲歐湖綠未波荆山翠遙貢研枯姿更妍驟暝

香彌重惟惜鄰樹薪不聞鳥聲哢年饑山樹盡被盜伐幸梅在耳衰齡續勝遊

憶昔發感諷許子興最蒙春郊飲方痛對花兒花真索題戒稽

雍一卷冰雪文五載羅浮夢

小琴攜畫卷之京之
楚之廣東題者甚衆

何期千年枝

歸若手新種深恐駒隙忙一縱不可鞚招攜六客俱傾倒一樽
共眼中千萬株何殊鳥有鳳揮杯醉古香溫磨溫巖洞我歌聊
遂情付君覆酒甕

穉感示子孫

朝把三寸翰夕陳一編書耄老未聞道誦習徒區區古訓日以
昧今人誰與居昔時麻中蓬久已忘其扶蘭漪不同臭秦越殊
塗趁乘置勿復道掩卷增嗟吁

送客出北郭自擊摧中腸百年儒生家一夕荆榛場構櫨析爨
薪餽羹充候糧記昔常經過戶牖連中堂兒童聚冬學書聲晝
琅琅卽今竈突遺猶帶炊煙香赭山慘不舒湖波澹無光春風
入亭榭桃李花不芳肩輿倦遐矚尙忍陳壺觴

湖山似好友日遠日益疏半載不相見鬱鬱懷不攏清明偶出

郊詫異風景殊瓦礫遍道路花柳惟枯株笙歌一以寂酒壚蕩爲墟委巷多狎邪逃亡及女闇波臣若解事此輩宜爲魚何時還舊觀花月春滿湖

我志在厲俗所恨助者少登善必自卑積惡毋諱小雞鳴舞跖分辨之務在早寒暑爭陰陽戒得尤在老子孫不能知他人安可保

人言玉石交那復辨黑白奈何今之人不爲玉爲石大孝動鬼神黃巾自辟易庾袞友于兄身不罹癘疫修德必獲報自古聞在昔况今世休明日月忍虛擲努力貽令名禍福非所惜

吐綬鳥

並序

吐綬鳥蓋雉屬爾雅雉有十四種不知果何屬也曰避
株曰錦囊曰吐錦曰真珠曰孝鳥古今載記名稱不一

惟埤雅以爲卽詩卽有旨鶡其言曰禽經纓鳥性樂纓
鳥若綬鳥是也一名鶡或謂之吐綬咽下有囊如小綬
五色彪炳詩曰中唐有鸞卽有旨鶡食之甚美詩謂之
旨以此按詩傳鶡綬草也郭注小草有襍色似綬也陸
璣云鶡五色作綬文故曰綬草此言小草如綬如下所
云綸似綸組似組未嘗言鳥也其曰食之甚美更可笑
又將何以解旨若耶鶡說文本作鶡或从鬲作鶡引春
秋六鶡退飛鶡綬說文作鶡从艸臭聲引詩卽有旨鶡
二文絕不相同且禮經綬自天子至士有等漢官儀地
緣采色亦各不同製入不傳似與否未可知惟此鳥之
綬並非從口吐出春夏晴明頭出兩翠角自擺其首數
次則膺前錦垂方廣尺幅謂之錦囊似矣劉夢得詞赤

玉彫成彪炳毛紅綃翦出玲瓏翅亦未得其形似序云
追和蓋得之傳聞耳許靜夫家有此鳥得自蜀中爰釋
其名實如此系以長句

巢移井絡跡全非籠入雞羣願已違夢裏誰遺三尺錦胸中自

具九張機漫疑寶綬藏文筈

後漢張衡有綬筈銘似探珠翼出信衣羨爾

含章能內斂不隨伊洛門飛翬

行年八十五

行年八十五暮景過高春黃卷倦枯坐青山負短筇緣籬花上
屋決石笱穿墉銷暑知何處荒園足養慵

行年八十五老嫗復何思一室且姑事千秋難預知家藏摹本

睿賜得僕三十年所作畫半屬贊木

客誦已刪詩卽世看人意誰云無子期

行年八十五曾友日凋疏思買伴吟鶴難求同隊魚心空惟對

竹目醫不看書寂寞平生慣非關愛索居

行年八十五不達待何時卻笑香山老難忘楊柳枝綺羅春內
豔絃管候蟲悲乘化以歸盡淵明真我師

聽盲詞

早識多藏必厚亡不妨官吏狠如羊是非偏有盲翁管負鼓牆
陰唱夕陽

私錢公帑兩模糊籍沒田園付子虛地下冥官如覆勘分明一
則鬼爰書

題畫三首

卅年宦京師動念卽鄉思賦詩暨作畫一一遊蹤識歸田今九
年湖山或月至譬如嗜酒人酒甕牀頭置興到卽引杯何必朝

朝醉

少年好學畫鹵莽不人格雖爲儕輩誇未覩宋元蹟流傳五十
年鄉里謬矜惜因之賈本多賺客謀僑石萬錢買一幘餅金購
一冊遠近卷送觀披展笑啞啞不思畫中山竟可救饑飢卻憐
湖上田賤賣棄如擲湖上水田人不要誰來我畫中山唐六如句

我友金葉山嗜畫若飲食一日缺不可自朝至中吳吳楚齊晉
閒所至多遺墨平生師耕煙意境頗有得六法無一欠微惜少
光色我時勸濡毫何妨姑近黑君亦常規予皴染毋遽亟開幘
記前言我心爲感惻

食筍齋竹筍甚盛飽啖不足戲成此詩

八年種竹孫生孫纖纖多於羊觸瀆今年決石復穿屋足厭籧
延果枵腹胸中敢望貯千畝眼前稚子皆我有澄懷齋榜易歸
航蠹簡拋荒夏日長老饕藉口學山谷一心呪筍莫成竹

頻年歲歉任艱周謀諸邑之有田而好義者十四家
計畝納穀歲得六百餘石請於有司貲舊丞廢署創建
豐備義倉十二座道光甲午五月七日卯時上梁詩誌
其事

喜聽兒郎偉遐思婦子同成城緣眾志匱在年豐蕪曠地新
闢障曬日正東所祈歌迺積其比復其崇

題陳太守

贈翠螺遠眺圖

我家江水初發源宦遊直送江入海坡詩卻似爲公作惟欠金
山一宿在君先以瑞州太守謂任鎮江尋以例改太平春江三月綠未波溯江而上
青山多烟雲變滅特詭異水晶盤裏一青螺青螺頂上祠仙李
仙人亦是公鄉里樓上松風吹酒醒樓下江波湧月起山靈鸞
鶴翔縹紛鳳笙龍管迎使君似言叔度來何暮目極江東日暮

雲

次自題癸未所作畫韻

新篁解籜出林扉古柳重陰幄四圍流水自閒花自放青山原未禁人歸

卞太史

士雲

以侍御史簡任鳳陽太守未莅任制府奏

攝安徽巡道三月稱治移守甯國作此送之

關吏毋須更乞留青山原本隸宣州忠貞家世傳西晉風月襟懷稱北樓百里謳歌同井閑九秋禾黍接原疇
璽書旦晚看真拜竹馬重迎郭細侯

題許耕餘仁詩稿

何必今人遜古人賦詩要見性情真笑他丁卯橋邊客只解彫
鐫七字新丁卯集古體絕無七言律居大半

清淮引與示兒篇脫口吟成近自然寄語東塗西抹手風雲月
露幾人傳

苦樂根心總一音斷無無病強呻吟心聲只要傳心了此是遺
山慶世鍼

悼許耕餘

大患由來爲有身羨君蛻去委輕塵黑頭辦了人閒事羞煞曹
蜍一輩人

堅築湖隄抗鬥龍十年辛苦殉田功圩丁儻立田頭廟合塑君
身配社公

小山叢桂樹婆娑纔得尊前幾嘯歌從此人琴跡俱杳清風明
月奈君何叢桂山房君新
葺未及數月

慙余不是王文度君乃前身竺法師寄語丁甯屬諸子共論罪

福更何時

君亡後二十餘日兒輩扶叩君
忽白至丁甫寄語以三子爲託

楊慶琛

觀察招集赭山滴翠軒登高僕病未能也小重

陽夜風雨達旦書此解嘲卽示觀察

幾度黃花照鬢新雪泥鴻爪記前因
黑山雁蕩遊曾徧姑射鶯
湖跡久陳萬里雲煙猶在眼一宵風雨又侵晨
老夫不負登臨興未必山靈解笑人

來書有虛此令節未免爲山靈所笑故云

家山一簣枕湖邊不藉扶筇已到顛野寺苔封遊客屐虛亭鳥
上酒人筵今茲禾稼看樓畝比歲波濤欲凌天自是使君勤問
俗非關酬節要新篇

子月八日小琴招同子卿蘭泉三昧會看天竹

一錢不值王君夫珊瑚二尺驕齊奴瓊鉤一擊愕且吁匿笑擲
還六七株千年海底爛不枯盡洗濁世貪嗔汙化爲忉利摩尼

珠熊熊光欲陵金烏許生招賞月在奉山僧愛護頭目如高張
翠網幕碧虛飛鳥遠避雲中趁覩覩百琲垂流蘇攢襍齊攻堆
簷隅光華照人衰顏朱面燭天竺言人殊強作解事儒生迂爾
雅竹類繁有徒莽節數密桃枝疏鄰中堅復簡中茶實曰青獲
食鳳雛是邪非邪誰部居孫炎已近郭璞殂世閒草木無音圖
歸來作詩不能書眵昏兩眼紅模糊

題雪葉觀察金陵策蹇圖

石頭城外春如海滿路楊花雪霜催策蹇經過凡幾人阿誰留
得春常在楊雲少負不羈才萬里歸從百粵來爲感金陵李白
歌丹青一再畫圖開韶光過隙何容易心醉江南佳麗地多繡
重來又一時鶯花瘦歷猶能記我亦長干數問津回頭八十五
年春江山咫尺龍鍾甚輸爾當年驢背身

玉屏話月圖

雪菜時爲夏門
玉屏書院山長

海月初升嶠纖雲盡卷時將爲千里別。別惜一尊持賓主。徐陳
圖爲周太史凱

誼生徒顏閔期更憑起草筆兒出夜山姿

作時爲臺灣道

戚子模
草蟲畫冊

叔楷高名動漢濱。流傳花鳥有精神。蟲魚豈是無心學。未必皆
非磊落人。

抱葉新蟬聲不哀。蜻蜓欲下蝶醒纔惜哉。未令東坡見。畫史虛
傳雍秀才。

望雪

細雨毛空不濕苔。龍公未肯屑瓊瑰。烟褰霧斂經旬釀竹下梅
邊。幾度來已幸。秋雲黃被隴。更希春浪翠成堆也。知造物應于
變隴蜀心貪亦自咍。

湖亭喜雨

乞漿得酒總欣然快聽蕭蕭水石邊客至共移看雨榻亭虛如
艤阻風船一羣鷗鳥舞還下數點山梅潤愈妍歸路滿湖雲不
散玉靉漸欲趁華顛

道光甲午歲暮觀四兒

足民

作乙未歲朝圖因記乾隆

甲午京師下第南歸除夕宿陰平邸店述爲此詩以示
兒孫

乾隆歲甲午予年二十五京兆下第歸車驅過齊魯除日抵陰
平薄暮投逆旅門闌換桃符顛倒貼舊字升堂置羹飯聊復具
雞黍一杯醉燒春默默僕與主不聞茅屋中洗腆慶翁姥不見
戲階前青紅走兒女但聞馬駁其空籠鈴鐸語天明入前途旅
行逐商賈年豐民俗儉慨想其風古於今六十年根觸如再覩

述詩告兒孫
奮靡愧鄉土
安居作畫圖
勞勞念父祖